



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1648

§. 6. Religio Britannorum.

urn:nbn:de:hbz:466:1-13147

egit triumphum magnificum Claudio. Sub Domitiano, Agricola totam terruit aut vicit. Hadrianus Barbaros primus muro submouit. Sub Antonino Pio per Lollium iterū deuidi, & nouus excitatus est murus. Seuerus motibus renouatis multos cecidit, multos ex suis perdidit, & tandem murum excitauit qui adhuc nomen eius seruat. Turbati s̄epe temporibus Diocletiani, Iuliani, Valentiniiani. Sub Gratiano fortiter à Maximo defensi; item & sub Honorio à Stilicone: sed ab eodem Honorio sibi consulere iussi. Aëtius tamen iis opem aliquam attulit. Demum sub Theodosio iuniore legionibus ad tutelam Galliae euocatis, Pictorum & Scotorum crudelitati expositi sunt. Quapropter ab indigenis euocati in auxilium Saxones, qui ex hospitibus domini facti sunt, vnde extortum est Anglorum Imperium, de quo agemus in recenti diuione.

§. 6. Religio Britannorum.

DVAS maximè colebant Deas *Adraſten*, seu *Andraſten* quæ forte eadem est cum Adraſtiā Græcorum, quo nomine dicebatur Nemesis. Alteram *Andaten* quæ victoria est, Dio. Coluere & Meneruam ut vult *Solinus*.

De eorum ceremoniis quatuor habemus. *Primum* captiuo cruce aras adoleuisse. *Secundum* hominum fibris Deos consulere, ita *Tacitus*. *Tertium* religioni duxisse gustare leporem & anserem, hoc tamen extremum negat *Plinius*. *Quartum* habuisse communes cum Gallis Sacerdotes, nempe Druydas, per quos in Galliam translata religio, Cesar. Certè iij Druydæ in Mona insulâ ad Vespasiani tempora perdurarunt.

§. 7. Lingua Britannorum.

SERMO fuit Britannis, Gallisque communis *Tacitus*. Quod colligitur ex vocibus Britannicæ linguae quæ adhuc in Vallia viget. Apud Gallos Iuppitet Tonans dicitur *Taramis*, Britannicè *Taran* Tonare est. *Caterua* & *Catanya* voces Gallicæ sunt, Kad Britannis bellum sonat. *Couinum* vehiculi Belgici genus *Kouain* illis est currui vehere. Armoricae ciuitates, & Morini à mari nomen habuere *Ar-Mor*, ad mare significat. Sed clarissimum istud *Ausonij*, *Deuona* Celarum linguâ fons addite *Dinis*.